

榆次縣志

孝慈常地春  
書首





榆次縣志卷六

生計考

史傳貨殖漢志食貨生計之尚由來久矣矧今物質競美商  
戰爭雄劣敗自甘危亡是懼爰蒐得邑中貨幣市易物產工  
藝樹畜諸事類而志之以促邑人士之興感焉

貨幣

榆次舊行幣制銀爲本位銅錢輔之從無銀荒錢荒之弊法固善  
也自海禁大開貿易繁盛風氣所及遂有英洋之輸入一時流通  
市面人感其便清光緒二十五年政府頒行新鑄銀幣每元抵庫  
平純銀六錢七分六釐八毫小銀元一毛抵制錢八十文卒以廷

榆次縣志

卷六

生計考貨幣

一

臣改革幣制之議不果遂未通行至民國三年二月政府頒布國  
幣條例乃定銀爲本位頒發新幣通令週使是年本省復鑄行銅  
元爲輔幣種類旣雜錢法遂紊八年劃一幣制以銀圓爲主幣銀  
角銅元爲輔幣銀塊與錢銷燬殆盡前之紊者宜若可理矣乃十  
三年後紙幣濫發漫無限制於是銀價日漲利率日高而民間購  
貨遂多以十進位小民生計益形艱窘洎十九年準備不足晉鈔  
暴跌與實幣相兌爲二十與一之比農村崩潰元氣大喪近雖頒  
行法幣禁週銀圓而前此各鈔仍然行使幣制之壞未識伊於胡  
底也茲就現行各幣列表如左



甲種實幣表

(重量以庫平兩計算)

幣名	鑄造年代	每元重量	成色	每元含純銀量	每元含銅量	行使情形	廢止年月及原因	備考
鷹洋	墨西哥鑄 年代未詳	0.7284	0.91824	0.6569	0.0715	流通頗廣	民國元年 由中國造 幣廠收集 改鑄	俗名英洋
站人洋	光緒二十 年左近在 香港鑄造	0.725	0.91697	0.6506	0.0709	行市最高 流通最廣	民國二十 三年通貨 膨脹後廢	俗稱袁頭幣 八年天津造 者成色較佳
紀念幣	南京造幣 廠鑄 民國三年	0.7200	0.90000	0.6408	0.0792	八年鑄造 者行使最 廣	全	俗稱中山幣
新幣	民國十九 年南京造 幣廠鑄	0.725	0.91697	0.6506	0.0709	通行頗廣	全	
湖北龍洋	光緒二十 年以後武 昌造幣廠 鑄	0.736	0.93703	0.6530	0.0696	流行頗廣	全	
又	宣統年鑄	0.761	0.91697	0.6547	0.0714	流行次於 光緒年造	全	
榆次	縣志							
北洋銀幣	光緒三十 三年北洋 造幣廠鑄	0.736	0.90000	0.6582	0.0814	行使亦廣	全	
元寶	各地隨時 鑄造	五十兩內 外	0.978 0.972			授受之際 必檢察其 成色重量 與銀元較 實為不便 止	民國三年 二月政府 頒布國幣 條例遂廢	元寶外尚有 中銳小銳其 重量三兩五 兩十兩不等
制錢	清代自順 治迄宣統 歷朝鑄造 不輟	每千文乾 隆以上造 者約重十 斤乾隆以 下漸次減 輕至光宣 間僅重五 斤強				前清時凡 納稅及釐 金典質買 易等通用 極廣混入 私錢者稱 沖頭錢	民國以還 銅元充斥 制錢低落 漸歸淘汰	
銀輔幣	二角 一角 民國元 年造	0.1433 0.0715		0.182 0.059	0.0151 0.0116	每十角當 銀元一枚		
鎳輔幣	民國二十 年南京造 幣廠鑄	發行頗廣						
銅輔幣	先緒廿八 年各省多 設局鑄造	有一枚雙枚及一分二分之別一枚者當制錢十文雙枚者倍之						



乙種紙幣表

幣名	發行年月	發行機關	發行地點	行使情形	廢止年月及原因	備考
中行票	民國三年 民國廿四年	中國銀行	上海北京 天津	因京津可以通用二十三年十一月復定為法幣故行使極廣		
交通票	民國九年 民國二十九年	交通銀行	上海天津 北京漢口	行使範圍亞於中行票		
中央票	民國十九年 民國廿五年	中央銀行	上海	海行使頗廣		
農民票	民國廿五年	農民銀行		全		
晉鈔	民國十三年	山西省銀行	太原及各縣	在本省行使最廣	十九年戰後準備無着毛荒而廢	
金庫券	民國十五年		太原	原流行未廣	全	
省鈔	民國二十年	山西省銀行	太原及各縣	與十九年前之晉鈔相若		
墾業票	民國廿一年	綏西墾業銀號	太原	原流通較少		
鹽業票	民國廿一年	鹽業銀號	太原	全		
鐵路票	民國廿二年	太原地方鐵路銀號	太原	原流通頗廣		
農工票		太谷農工銀行	太谷	以私人商業流通未廣	民國廿四年十一月實行法幣後廢	
信用合作券	民國廿三年	榆次總信用合作社	榆次各村	流行附近村莊未能及遠		
救濟券	民國二十年	榆次金融救濟會	榆次	頗能流行	民國二十三年奉令撤消	
縣銀號票	民國廿三年	榆次縣銀號	榆次	發行較少未能暢旺		
憑帖	清季	榆次各錢行	榆次	週行頗廣	晉鈔通行後奉令撤消	
土貨券	民國廿五年	太原土貨商場	太原	原行使未廣		
銅元票	民國八年	榆次商務會	榆次	行使未久	十三四年銅元貶價而廢	

榆次縣志

卷六 生計考 貨幣



角

票

民國二十年  
中央山西鐵路各銀行號  
均行使甚廣

按國幣條例第二條以庫平純銀六錢四分八釐為價格之單位定名曰圓其重量成色第五條規定為一圓銀幣總重七錢二分銀九銅一五角銀幣總重三錢六分二角銀幣總重一錢四分四釐一角銀幣總重七分二釐均銀七銅三五分銀幣總重七分銀二五銅七五銅幣成色則均銅九五錫百分之四鉛百分之一附錄以備參考

市易

商務盛衰關係民生至鉅吾榆自辛亥革命以還對外貿易失敗人民生計頓受影響所幸地居要衝交通便利當地商業尚得藉以維持不墜茲就現有商號綜合其業務性質分類如左

(甲)關於流通金融者

業

別家

數備

考

銀行銀號業

六

中國銀行山西省銀行山西地方鐵路銀號綏西墾業銀號鹽業銀號榆次縣銀號皆公營

榆次縣志

卷六

生計考市易四

銀錢業

一一

質當業

一五

借貸業

一名帳莊多散附各行無專業

(乙)關於轉運者

運輸業

一〇

汽車業

一

(丙)關於食用者

麵粉業

一

魏榆麵粉公司資本十萬元私人集股經營每日約製粉五百袋

糧食業

二九

油酒米麵業

四一

有專售者有兼營者

乾菜茶點醋醬業

一九

內有兼營顏料紙張者



(丁)關於服用者

水	菜	業	七
官	鹽	業	一
土	鹽	業	三
飯	館	業	二二
蒸	饅	餅	麵
業	業	業	四九
山	貨	業	八
粉	房	業	四

紡織業  
織業  
識布業

綢緞花布業

榆次縣志

卷六 生計考 市易 五

棉	花	業	八
皮	毛	業	一六
估	衣	業	四
線	帶	業	二八
鞋	帽	業	一八
彈	染	業	一〇
成	衣	業	二二
洗	衣	業	五
上	鞋	業	三

晉華紡織股份有限公司為私人集股經營資本四百萬元為晉省第一大廠

兼賣洋襪手巾等物

染業七彈染業三

(戊)關於日用者

電 汽 業

一

魏榆電燈公司資本十萬元私人集股經營



煤油業	三	
煤炭業	五	
顏料紙張業	二八	
麻鐵業	七	
五金電料業	二	兼售自行車件
洋廣雜貨業	三八	多兼售布疋及婦女化妝品
香房業	三	

(己)關於器用者

木器業	二三	
銅鐵錫器業	七	
瓷器業	六	

榆次縣志

卷六 生計考市易 六

自行車業	一〇	
糧房業	七	
釘秤業	三	兼釘破碎瓷器並修眼鏡
鐘表眼鏡業	四	

(庚)關於出口物者

蛋廠業	一	
猪羊小腸業	二	
猪鬃猪毛業	四	

(辛)關於衛生者

藥材業	一〇	
西藥業	四	



獸醫業	二
理髮業	八
澡堂業	三

(壬)關於奢耗品者

菸業	六
茶業	五
釀酒業	八
紙煙業	二〇
胰粉業	二
金銀首飾業	五

有專營者有顏料行兼售者

兼售紙張蠟燭等物

(癸)關於雜業者

榆次縣志

卷六

生計考市易 七

古玩業	五
打換業	一六
旅館客棧業	一五
小客店業	一六
照像業	三
刻字業	九
鑲牙補眼業	三
油漆畫匠業	八
磚瓦業	四
裱畫業	三
屠宰熟肉業	一〇

收買破舊衣服器皿加以修理改造然後出售者

屠宰業七熟肉業三



葦	席	業	六	
賃	活	業	三	遇人有婚喪事故以物暫貸者
娛	樂	業	二	
南紙	印刷	業	六	

餘如肩挑負販之流所在多有因各業散處不及備載至於交易物品其大宗輸出者為米麥高粱黑豆黃豆藥材皮毛棉紗及蛋黃蛋白之類輸入者為各種絲棉毛麻織品茶糖煤油紙煙海鹽葫油及五金電料之類此外與市易有關而更密切於榆民生計者則改定度量衡制與五月廟會是也茲分條述之

(一) 現行度量衡制

榆次縣志

卷六

生計考 市易 八

度器用尺以前清工部營造尺為率每尺比舊行裁尺小八分比木匠曲尺大二分

量器用無梁方斗分單斗雙斗兩種單斗內徑口底均八寸內深四寸九分三釐七毫雙斗內徑口六寸九分七釐底一尺一寸內深七寸八分

衡器用桿稱以庫平十六兩為一斤比舊用小稱每斤大一兩強比舊用大稱每斤大二錢強

曩者吾邑衡度複雜量器各異自民國八年奉省令改定今制商不得肆其奸民不至受其愚從前積弊乃為之空云

(二) 五月廟會



榆次廟會年共五十五起詳述於鄉聚考中而城內五月會

俗稱城隍廟會

獨能萬商雲集經月不散歷數百年而無更變者良由

各商終歲所售之品均賴榆會購入故也光緒九年春太谷忽四路招商議於五月自開新會時代理縣令張公承熊念谷會果開榆會必立形蕭索且恐別滋事端因以公牘請於谷令未獲如願於是闔邑紳商公推代表赴省稟請府憲出示諭止府憲馬洞悉利弊卽剴切曉諭谷人令循舊章旋委徐溝令王赴谷查覈並率兩邑紳士普勸商民各安生業其議始息當谷人倡議起會之始曾以榆之關津房屋什物勒索商旅爲口實張代理縣令乃一面具榆會緣起及有關地

榆次縣志

卷六

生計考市易九

方生計情形稟府通詳立案以杜復起爭端一面復邀集城鄉士紳明定章程出示革除諸弊於是禁娼賭嚴偷竊以清地面減房租平物價以順輿情津渡則有獲送而無苛索門關則有稽查而無留難兵役則有巡邏而無攤派又於會期設立公所由紳士輪司稽察由是商賈稱便而會事復盛迨中華民國五年太谷縣紳商復藉名規復該縣火神廟會呈准省長以夏曆六月十一日爲始延長一月與榆次會期首尾相壓過半兩縣相距匪遙赴會客商往谷往榆勢難兼顧谷會起則榆會歇矣於是局紳趙鶴年等羣起抗議公推代表與太谷官紳函商面議敦請改期卒以兩造顧全鄰誼谷



會退後九日以六月二十日為開會之期並經兩縣知事會呈省道各憲立案以垂久遠茲錄光緒續志所載會政案據於前並民國五年往來呈函於後俾後之司會事者有所考焉

### 光緒九年會政案據

#### 太原府正堂馬示

欽加鹽運使銜太原府正堂加五級又隨帶加四級紀錄十次馬為出示曉諭嚴禁事照得榆次縣向有五月大會起於五月初一罷於

六月中旬相沿已數百年每屆會期各處商賈雲集利益均沾歷久相安從無異議近聞該縣富紳某等有在谷另起新會謀奪榆會之說榆民惶恐當即稟經榆次縣張令備文移請該縣善為勸阻以全隣好而息爭端詎該縣吳令漫不加察輕聽該紳等一面之詞竟公然出示允准並以新會已成不能挽回等詞移覆以致榆邑人情洶洶實屬不顧大局正擬委員查辦聞該紳榆次縣具詳並據榆邑士庶人等聯名稟控前來本府查榆邑多年古會實為榆民養命之源豈肯甘心讓人况該縣新起會期正與榆會同在一時相隔僅數十里谷會一成榆會即從此廢棄榆會一廢榆邑即從此衰敗勢所必至亦理所必然是谷會之起與不起其有關於榆邑者實非淺鮮尚得以各起各會為詞強為置辯乎似此無情無理實難稍事姑容除詳批示並札飭該縣吳令

榆

次縣志

卷六

生計考市易十

立將前出告示撤回查銷萬不准以事在已成稍存遷就外合亟出示嚴禁為此示仰谷邑官紳商民人等一體遵照自示之後爾等速將現在擬起之新會刻日傳諭及早停止不准再開屆時仍照舊章全赴榆次趕會以期各安生業倘有豪強不法之徒負氣妄爭或再私自起會或禁約眾商不赴榆會以及滋生事端擾害榆會者定即嚴拿究辦決不寬恕總之谷民榆民皆吾赤子本府素性耿直凡事一秉至公毫無偏袒今此事曲在太谷不能不代榆作主非薄於此而厚於彼也爾等其共諒之各宜慎遵毋違特示

代理榆次縣知縣張承熊徐溝縣知縣王勳祥調署太谷縣知

#### 縣吳匡會稟

敬稟者竊卑職勳祥接奉憲札飭赴太谷縣會同吳令勳令太谷各行仍赴榆次趕會並查明起畔緣由妥為議處等因奉此遵查榆次縣五月會期太

谷各行向於五月十五日前陸續前往卑職勳祥到後會同谷令吳嚴密查詢太谷各行均已陸續赴榆至太谷五月起會一事前蒙示禁遵即停止勳祥等傳集紳商剴切曉諭該紳商無不感激大人恤商愛民之殷僉稱來年決不敢再生起會之心致失隣好榆次五月會各路商費雲集利之所在谷商亦斷不肯不往太谷既不同時另起新會榆次五月古會仍屬照舊無損榆谷商民現已均無異議除由卑職來熊嚴禁渡口城門一切勒索並妥議會規以廣招徠外所有查明太谷縣各行遵照仍舊赴榆趕會緣由理合會稟大人查考肅此具稟恭請福安伏乞垂鑒

#### 代理榆次縣知縣張承熊申請府憲立案文

代理榆次縣知縣張承熊稟請立案文

五日據卑縣閻邑紳民舉人白生華等連名稟稱竊榆次縣古會起於五月一日罷於六月中旬閻縣生計所開歷數百年毫無異議今春太谷富紳突欲同時起會以攘榆會迫舉等上控府據



蒙府憲通示禁止云云在案舉等遵照回籍詎太谷縣復於五月起會復蒙府憲札委徐溝縣王縣主遵照憲諭查辦並飭太谷吳縣主傳諭商民飭遵仍赴榆會六月初六日奉我天諭知茲接太谷縣主函開現經邀集紳商再四開導事已釋然一切俱照舊章不致再有異議舉等竊思既有此函自今以後谷人不致再萌攘會之念榆人可無地方之憂但恐日久變生又開爭競惟有籲懇據情詳請府憲轉詳列憲存案庶期永保古會而息爭端則閭邑羣黎可全生命等情到縣據此卑縣查該紳民所稟係遵憲示陳請尚無虛捏自應俯如所請以順輿情而息爭端理合據情具文詳請憲台查核俯賜轉詳立案實為公便為此備由另冊具申伏乞照詳施行須至申者

### 署榆次縣正堂李示

署榆次縣正堂李為出示曉諭事光緒十年三月二十四日蒙本府帖文內開蒙憲甯甯道左批本府呈詳該縣申送據情詳轉立案緣由蒙批如詳立案仰候撫憲兩司批示繼又蒙按察使司奎批如詳立案仍候撫憲藩司批示繼又蒙布政使司易批據詳已悉榆次會期起於五月初旬止於六月中旬既係遠年成規自應永遠遵守每屆榆次會期太谷不得同時起會以均貿易仰即轉飭各該縣出示曉諭循照舊章各安生業勿任再起爭端是為至要繼又蒙巡撫部院張批如詳立案仰布政使司轉飭知照繳各等因蒙此合行出示曉諭為此示諭四方商賈及本邑商民人等知悉榆次五月大會業蒙各憲批准照舊舉行太谷不准同時起會爾等商賈至期照舊來榆貿易毋庸懷疑觀望所有會政章程該會首仍照舊規毋得稍有增減以恤商艱而廣招徠其餘津渡水夫城門兵役不准藉端勒索至遊方僧道佔強布施棍徒惡丐恃眾喧鬧准該會首送案以憑嚴懲決不寬貸各宜慎遵毋違特示

## 榆次縣志

### 卷六 生計考 市易 十一

### 民國五年邑紳士致太谷縣知事安恭己函

敬啟者頃聞貴治紳商於舊歷六月中旬新起大會

開場貿易就悉擴充商務備具熱心進聽之餘欽佩無既惟敝縣五六月間向有大會每屆開會之期買賣商賈遠近咸來歷久相沿已數百載貴治之與敝縣本屬壤地毗連唇齒相依茲會場既相距不遠會期又同在一時而赴會各商祇有此數往谷往榆其勢不能兼顧是恐貴治之新會未興而敝縣之古會已受影響甚非兩利俱存之道也敝代表等擬請貴縣長邀集紳商從長計議能將起會之期稍為移緩展至舊歷七月初旬則彼此兩受其益矣素稔貴縣長暨貴治紳商諸公深明大局顧全鄰誼用敢冒昧直陳仰請俯念是所銘感肅此敬頌公綏並候福音

### 再致太谷縣安知事函

日前趨候台端備承開垂至為銘感所有貴治會期展至舊歷六月念日諸凡情節某等回縣均已宣佈推頌行勿勿未

為敝同人等請求回玉殊為缺點茲值某君前往貴治即請就便裁答為荷此請大安諸惟惟照

### 太谷縣知事安恭己覆函

敬覆者日前接去大函以敝縣六月會期與貴縣距離不遠恐客商赴會勢難兼顧囑即邀集紳商將會期稍

為移緩俾得兩受其益頃畫偉謀良堪欽佩當即招集敝縣紳商從長籌議有謂會期確定不便改移者有謂前已退復五日此時無再遲之必要者種種理由持之有故經弟兼權得失解釋多方討論結果以榆谷兩縣素講鄰誼此次既經貴縣紳士一再磋商時再退延四日准以夏歷六月二十為會場開始尚與貴縣六月中旬止會之原案毫無衝突將議緩開會日期面託貴縣代表先為達知外索仰先生等維持桑梓兼顧鄰邦對於敝縣此次起會延期之種種辦法當能設身處想曲予見諒也因示雅囑謹以奉覆即囑公安諸希亮照此覆榆次縣代表某君先生



公鑒太谷縣  
知事安恭已

### 榆次縣公民代表上省長道尹呈

呈為懇請立案並准予更正行知事竊榆次  
舊歷五六月間向有大會屆時商賈會集貿

易繁盛歷年已久通國皆知前於清光緒九年鄰境太谷縣突欲同時起會以攘榆會經舉人白  
生華等上控蒙府憲照准通示禁止並呈准撫藩臬道各憲立案從此遂各相安久無異議惟榆  
次會期近年漸次延緩往年六月中旬可以止會近年每延至七月上旬而現時太谷縣武步登  
等往事重提又欲於六月十一日起會公民等當因彼此會期相值爰即備具公函推選代表往  
與太谷官紳再三計議該官紳等允認六月二十日為起會之期並准太谷縣安知事以夏歷六  
月二十日為會場開始等詞函覆到榆公民等本念榆谷兩縣壤地既為毗連榆谷兩會時期又  
復衝突赴谷赴榆各商勢難兼顧與其兩不相宜似不如申明前案再議改期之為愈嗣念山西  
人民多恃商業為養命之源而榆次太谷為尤甚近數年來商業失敗每况愈下彼此互相維持  
尚不足以恢復原狀若或所議不合爭端再開非但有失鄰和並且阻礙商務又未免顧小嫌而  
妨大局因此遷就曲從遂以六月二十日為定議乃頃接到太谷縣會務局商會招商廣告仍載  
呈請縣長轉呈省長自六月十一日起七月十一日止已蒙照准在案等詞實與前議六月二十  
日之說不相照應未知是何緣故總之定議在前廣告在後當然應屬錯誤宜即更正公民等除  
照抄原案隨呈附送外所有前與太谷縣官紳議定太谷起會以舊歷六月二十日為期緣由理  
合呈請鑒核准予立案並行知太谷縣知照施行除呈分呈外謹呈山西督軍兼省長閻山西  
冀甯道尹徐附  
呈抄案一份

### 榆次縣志

### 卷六 生計考 市場 十二

#### 山西省長批

呈及抄件均悉查太谷縣知事前以擴充火神廟會期呈請立案本署當以  
事關發達商務應予照准現既據該代表等呈請事前曾與太谷官紳屢次  
協議應候行知太谷榆次兩縣知  
事查照前議迅速協商辦理此批

#### 冀甯道尹批

呈及抄案閱悉該邑大會既歷來自夏歷五月起至六月中旬止並與太谷  
縣紳商訂議太谷之會定以夏歷六月二十日為開會之期何以太谷縣又  
復改為六月十一日致兩縣抵牾據情行知  
太谷飭查協議覆奉仍候省公署批示此批

#### 山西省長行查榆次縣知事遵照

案據榆次縣公民代表等呈稱大會屆期抄  
錄舊案懇請立案並行知太谷縣知照等情  
到署除批示外查太谷縣安知事前以擴充火神廟會期呈請立案當以事關發達商務應予照  
准現既據該代表等呈稱事前曾與太谷官紳屢次協議並准安知事前次所呈亦有歧異既與  
兩縣商務有關且已會期臨應由該知事等查照前議迅速協商辦理總  
以彼此會期兩無窒礙始為平允仰即遵照並將會商情形呈覆特此行查

#### 榆次縣知事劉玉璣呈

呈為遵令會商呈覆鑒核事案奉鈞署行查據職縣公民代  
表等呈大會屆期懇請立案一案飭即會同太谷縣查照前

議迅速協商辦理總以兩無窒礙始為平允仍將會商情形呈覆等因奉此時值安知事恭已奉  
委會勘職縣南合流村災區親騎蒞榆知事隨即邀集會董與安知事三面接洽據安知事聲稱  
太谷火神廟曩年本有古會因事停閉亦有年所紳商人等夙已屢議興復本年太谷會場怵於  
比年貿遷江河日下決議提倡復會冀圖挽回隨經官商協議仍以舊歷六月十一日為開會時







縣境東北多山天然產物極富茲擇其最顯著者錄之如左  
煤礦罕山一帶峯巒起伏東西橫互約四十里均產煤炭肥煤產  
烏金山及冀家山後之井兒溝肥炭產冀家山後亂石灣全縣仰  
給焉

煨炭以卧虎山及兔兒山所產爲最佳近銷鄰縣遠銷日本  
窑礬凡煤窑內皆有之占道村所產尤夥性能肥田殺蟲農民爭  
購之

水晶產大峪口鎮礦苗外現色澤光瑩

鐵礦產鐵冶溝因礦層稍薄故昔冶今廢

坭石爲製瓷原料俗名坭子泥孟家井村所產甚富村民多以陶  
榆次縣志  
卷六 生計考 物產 十四  
爲業

白沙石出五龍溝質白而堅村人鑿成碾磨桌凳礎柱及各種石  
像運銷遠近源渦石及北後溝石次之

紅沙石出十里溝及李方村東區之張家莊村石質堅緻而多層  
土人於農隙時斫爲台面厠板盆蓋等物販銷各縣

磨石出趙家坡村性殺鐵凡刃物經磨鋒芒異常

白土出北後溝及鞋底嶺等村質白性黏用以墁壁不須膠

紅土出長凝鎮及蘇村付村等處採塗牆壁堅久不剝

松柏栝烏金山多松中林山多柏大洪山多栝均繁鬱蔥籠不可  
數計爲天然風致林木禁止樵採



對節木出烏金山質甚堅重叢生無大材山民伐作短杖以禦獸  
被撻則青傷透骨有類鐵傷司刑者宜注意及之

茶北關外張墳寇墳及東聶村桑墳內均有之採製紅茶味頗適  
口

蒲草出源渦鎮土人刈以製紙

茯苓黨參黃精黑薑均產烏金山

遠志荆芥益母草夏枯草甘草地骨皮東北兩區多有之

馬蘭俗名馬蓮出源渦鎮及西鄉一帶採售河北安國縣藥材行  
並各處紙煙製造廠

龍骨東北兩鄉多土崖內蓄龍骨往往隨崖崩墜每骨一具約重

榆次縣志

卷六 生計考 物產 十五

數百觔

豹產北山一帶清季始有之

野豬產北山一帶民國五六年間由交城山竄育於此踐食田禾  
爲害山農

狼狐獾兔黃鼠多產東北兩鄉村民於冬季獵以售皮張及尾  
地鼠似鼠無目俗名瞎地豬前趾如人手穴行地面頗害禾稼  
搬倉鼠形似鼠而小頭圓腮闊每屆穀熟搬運入穴儲以禦冬如  
積倉然每穴有積至數斗者

金魚產源渦鎮並產鯽魚鱒魚諸種

五色魚產蒜峪村之馬家壩



其屬於人造物者除分見於工藝各欄外茲擇要錄之  
石灰自蘇村逆澗河而上沿河各村富有青石村民多以燒灰爲  
業

土鹽西鄉最多南鄉次之有推運局員駐榆稽征鹽稅  
廠鹽出南關用以漬肉類菜蔬色味鮮明

硝出各鹽廠質最佳由省委設局收售慎軍火也

燒酒性香烈行銷遠近以產高家堡喬家堡者爲最人稱堡子酒  
中華民國四年美國巴拿馬賽會獲一等獎憑

葡萄酒有紅白兩種味勝洋酒行銷省城及鄰縣爲清季城內士  
紳王聯甲馬穆之所釀中華民國四年美國巴拿馬賽會城內

榆次縣志

卷六

生計考

物產

十六

工藝

業此者豫慎豫勝兩公司均獲一等獎憑

錫糖出縣小東關及陳侃陳胡南莊胡村付村羅家莊要店等村  
有紅白兩種以千穗穀子或炒米爲之俗各麻糖秋冬之交沿  
村叫賣民國十五六年省城製軍用餅乾下鄉收買有致富者  
粘出近城村郭家堡懷仁西長壽諸村用錫和油烹稻米入模按  
之連合成段行銷本縣及鄰縣省城爲過年供品火車通後且  
有運銷至北京天津等處者

工藝

榆人向重農商輕視工藝舊志僅載大布猶爲民間副業餘可知  
矣自正太鐵路敷設外布輸入漸廣向所謂販之四方旁給西北



諸州縣之榆次大布遂以絕跡然以交通便利之故新興工業勃發晉華紗廠之機器紡紗利晉公司之化學染色家庭工業社之倡導織布慶興製蛋廠之機搗黃白或開風氣之先或樹商戰之略裨益社會良匪淺鮮近復完成同蒲鐵路吾榆適爲交會之點倘得工業發達農商亦可隨之而日臻於盛矣爰撮其大且要者約略志之以爲往者勉來者勸

紡織染 邑中夙產大布純用手工紡織民國八年五台徐一清邑人康慎徽趙鶴年等始於北關集資創設晉華紡織公司用機器紡紗開吾晉新興工業之先河是爲第一廠至十九年增加資本四百萬元添購新式機器紡製細紗並於源渦自設發

電廠原動改用電汽是爲第二廠計開紗機四萬餘錠規模之宏大在吾晉首屈一指二十三年更添設力織布機四百八十台自織粗細洋布及軍用棉毯並租賃祁縣益晉公司全部染織機械設爲分廠共計有工人五千餘名貧民取資以是爲大其次車輞村常氏敦睦工廠創設於前清光緒三十二年規模雖小獨能購用新機織布力求改進亦足稱焉民國鼎革旋廢與敦睦同時興起而規模稍大者有邑紳馬繼禎等創設之公立工藝局局址在縣城常樂寺內由天津購置新式手織鐵輪布機授徒傳習者一時頗盛民國成立改任邑紳王文獻爲經理仍按舊觀略事增改十三年病故推選褚定邦繼任自是局



務進展紉織榆石雙魚粗布行銷全省頗著聲譽藝徒畢業者滿佈鄰封各工廠其在家設機自織者爲數亦夥二十二年秋季以省令與惠華工廠合併改組爲模範工廠委閻濬文充任經理重新振頓精益求精除添設毛織力織機染等部外並闢支廠於北關遐邇企業家咸來參觀二十四年出品與賽晉綏物產競賽會獲得甲等褒狀同時山西省建設廳亦獎給出品精良匾額又廠中增設之榆次縣家庭工業社爲民國二十三年五台徐士珙邑紳康慎徽趙鶴年閻濬文等所創其目的在倡導全縣家庭織布以爲農村副業由晉華紗廠墊給棉紗模範工廠委派技士社中主持一切選機發紗收布等事各村設立

傳習所訓練男女村民二年之間織機增至二百餘台農民食德爲數頗巨先是城內有利晉公司者固與工藝局相若之工廠也民國二年由商人郭化成集資創辦歷年經營頗著成效民十以後歸邑紳宋啓秀主持遂移址北關力事擴充添設力織布機與蒸汽染槽並用人造絲自織明華葛等物均爲吾晉首倡之新工藝惜遭二十年農村經濟總崩潰之影響遂廢其他織襪小工廠到處林立獲利頗厚首創者爲商人張進賢等至於染紙一業爲吾榆特種工藝一紙之內五色相間五紙成會俗名大字亦有按紙之種類大小而別名爲大二三放光及蒲放光者邑人每屆元旦咸購數會填以春詞懸諸門庭以點



綴春色源渦鎮人獨精此術行銷省內各縣暨張家口歸化一帶最近縣城南關有山東人開設染紅紙廠數處吾榆尚爲創見之工藝云

編造 平民用具至夥造作亦精王胡之刀剪要村之葦箔東郝之柳器均能獨擅其良鄰邑取具舊志載之詳矣近年利晉公司編售之草帽尤爲創舉行銷各縣可禦外貨民國二十二年邑紳常運藻等曾於城內創設草帽辦傳習所提倡此業惜邑人習於奢侈未竟而廢他如王胡鎮人用柳條編織之箕器塗以石灰猪血裝運油酒醋類經久不滲東聶村人精製之人力推車鬮筍極密雖至敝舊而輻不占脫源渦所造蒲紙柔韌耐

榆次縣志

卷六 生計攷 工藝 十九

用馬村柳木圈椅工省價廉至於農具及一切日用品物製作甚多爲用至廣略不備載矣

陶瓷 縣城東北里許土壤細緻多黏匠人製成陶器磚瓦一邑取資惜數百年來泥守成法無甚進步惟孟家井村所產瓷器自經邑紳馬繼禎等集資設立晉元瓷業廠提倡改良後復由省立瓷業勸工廠一再精研彩釉鮮明較前大進而且品目繁多運銷四方日見行遠又河口村出產之砂鍋砂壺非陶非瓷用以煮飯盛水不染邪味而尤宜於煎藥之用故銷路亦甚廣焉

蛋粉業 縣城西北窰上村有慶興製蛋廠一所自建場屋設備



整齊爲民國二十三年保定分此者用揣黃機器所製蛋黃蛋  
白行銷歐美爲出口大宗云

麵粉業 吾榆以麥製粉者向爲小規模之磨房及家庭工業用  
畜力拉磨臼爲之品質粗劣種類複雜僅供當地之消費而已  
自民國十八年商務會長宋啓英等始於北關集資設魏榆  
麵粉廠購用新式機器每日出產量約五百餘袋此後北關積  
裕號城內德順泉均用電磨製粉逐漸改良

菸草業 煙捲一物爲應酬要品消耗大宗自輸入以來損失利  
權難以數計民國十七年有安徽人項冀英等設立華北菸草  
公司於南關購用新機自造香煙頗能受人歡迎旋與太原德  
榆 次 縣 志

卷六 生計攷 工藝 二十

樹畜

記菸草公司合作機器遂亦移往又本縣北謙亨謙德亨等號  
亦均以菸草爲業其所製青紅菸錠行銷塞北等處頗着聲譽  
惜不加精求泥於遵古遂致毫無進展云

樹畜

穀米 通稱小米爲農產主要品種植既多收量亦豐產東北鄉  
者顆粒堅小肥腴適口俗名王胡米因該鄉之米多在王胡糴  
糴也

小麥 榆民種麥向僅十分之一自鐵路通後麥價日昂故種麥  
者比歲增多幾佔全縣禾田十分之三

高粱 顆小而不澀爲農家大宗食品樹之者衆約佔秋禾十分



之四餘如黃豆黑豆包穀產量均佳

右列各種每歲由正太鐵路輸出約二三十萬石價值二百餘萬圓為邑民換取外貨之資所關甚重故備載之其他稻黍豆穀各類名色繁多無關宏旨概付闕如

棉 邑中氣候春寒多風向不種棉自民國六年後省令督飭乃試種之近有每畝可獲淨棉六十餘斤者頗見推廣

桑 向產東郝村一帶僅供編織筐畚之用清光緒二十七年車綢常氏種桑育蠶設敦睦工廠所繅絲作綢縷或絲線於城鄉市會售之頗得利民元後政府通令植桑育蠶植者增多蠶利尚未興也

蠶 榆邑春令多寒桑發較遲春蠶出繭每多餓斃或多生病患以死倘能精察治療之法或改飼秋蠶此弊庶可祛乎

榆次縣志

卷六 生計攷 樹畜 二十一

紅薯 榆次向產馬鈴薯甚夥無種紅薯者自清季直省農民來榆試種土性尚宜所獲亦豐故土人多效之

落花生 性宜沙田收量甚好

小茴香 近年西鄉多種售出外省頗能獲利

右列各種為近年發明試種有效者故特載之

西瓜 四鄉均產甘美異常出東郝中郝西郝三村者尤勝人稱三郝瓜清康熙朝充歲貢至光緒六年始經撫臣曾公以災餘奏免茲節錄舊志貢瓜始末及豁免經過以備參考

貢瓜始末

清康熙中車駕幸晉巡撫噶禮以進御遂著為令歲貢瓜由是榆次瓜名聞天下矣貢瓜之法先期巡撫以銀三十兩賦藝瓜者知縣事者亦賦十金使為植藝資

及七月巡撫遣官至縣謂之看瓜瓜熟知縣事者先取瓜呈巡撫曰樣瓜及期瓜盡落知縣與遣官偕至瓜所謂之起瓜擇尤美而鉅足備上獻者具車輦貢於京師歲數六百四十嘉慶三年奉



上諭免其半每歲正貢二百隨貢一百非採貢瓜後雖瓜已熟藝者無敢私售瓜畏早復不利灌溉必雨澤時均瓜味乃美如三村不給則不免取給鄰村云

豁免經過

榆次向例歲貢西瓜六百四十嘉慶初減免一半每歲正貢二百隨貢一百光緒大祲後村落蕭條物產凋敝正賦猶多缺額於是巡撫曾公憫念民困未紓物力

維艱乃於光緒六年具奏請永遠豁免奉旨照准士民并舞莫不感戴皇仁云

梨 訓峪後溝等十數村均產梨脆爽適口銷及外省白梨產上

渦村皮嫩而薄多液無渣滓啖之香汁流溢沁人心脾世所稱哀家種者或即此歟

葡萄 產訓峪村蘇家莊石上山一帶並產桃杏棗李諸實均碩大而甘遠近爭購焉

右列諸種均因地質磽薄穀產不豐故各村農民多兼植瓜果以資挹注云

馬羸驢 三項均由省北及蒙陝各處購入道阻價昂供不應求

榆次縣志

卷六 生計攷 樹畜 二十二

近來農民間有講求孳生以資自濟者

牛 向由臨縣輸入土產甚少近復販運出洋補充軍食以致耕牛缺乏大妨農工

羊 有綿羊山羊兩種俗名山羊為羶癩清季洋商採購皮毛骨殖羊價大漲以故畜羊之家數倍於前為農家最有益之副業云

附論榆次物產工藝樹畜可志者不止此數而茲之所志或因物力未盡尚待經營或因野多閉藏亟宜採掘要皆為當務之急而切要以圖者也慨自吾邑商富一敗於甲午之戰再敗於庚子之役終敗於辛亥之變昔之服賈四方者今則半多失業落



魄鄉里外資頓絕內顧多艱生計窘促已呈江河日下之勢誠  
能就所志諸種官督紳倡合羣財集羣力或開其源或暢其流  
因其固有而發揮盡量則敗於商賈者安知不可恢以農工耶  
邦人君子尚其勉旃

榆次縣志

卷六 生計攷 樹畜 二十三



